



Mouse Lake-mi Havauhikhak

Naittuk Ilautigiyaakhaa Nutaanguffaakninnga Laisinnganut 2BE-MOU0608

UNOR Havakvingat havagaakpaktut uyagakhiuktunik uyagakmik kiplagaaktuk ukumaittuklu paatulikaktutut ittuk kablunaatitut atilik uriiniammik uataangani Nunavunmi 1996mit hivullikpaanga uyagakhiukvikhaa naunaitkutaliugamitkut Kugluktup Kinginnngingit ittuk 90 kilaamatamik ungahiktilaanga hivugangani Kugluktuk. Tamna ihivgiuknik 1996mit 2003mut pikaktuk tingmitikkuinnamik ihivgiuknikmik unalu uyagakhiuknikmut havaakhainnaknik. Tamna uyagakhiuknik akhuugutauliktuk tamna uyagak kiplagaaktuk ukumaittuklu paatulikaktutut ittuk akinga akikliyuumikmat 2004mi havakvingalu angikliyuumikmagu uyagakhiukviit maniliukninngit pipkailihaakmatku iluittumik nunakut nunap ihivgiukningit ikuutaligamigiklu. Tatja, tamna havakvinga nanminikagiyaa aulapkaitjutigiyaalu, atayunik havauhikmit paatnagiyamikniklu, atauttimut 372,305 aktikkulaanga nunaap talvani akulgani ittuk Kugluktup Kinginnngingit unalu Lac Rouviere-mit. Talvanngalu havakvinga pihimayuk uyagakhiuknikkut pitjutigiyanganik 16,881 aktikkulaanga nunaap Asiak Kuugangani hania kivataanut uyagakhiulvigilluunganit.

Tamna ihivgiuknikkut uyagakhiuknikmut 2009mi ihumagilluakniaktaat ikuutakninnganik itinnakninngit tikinnahuaktamiknut naunaitkutaliugamitkut uataangani Kugluktup Kuugaanit unalu nunakut nunap ihivgiukningit naunaigiami tikinnahuaktamiknik ikuutagiamikni 2010mi 2011milu. Unalu, pikakniaktuk angiyumik kinikhianikmut piyukhanik naunaigiyami angiyuvallaaktumik anikhaaktaptikni ittumik uuktuutigiyuq paatulikaktutut ittunik ihivgiuknik tingmitikkut agyaktauhimagiyuk Lac Rouviere-mut 2008mi. Kanugitpat itjutigiyaakhangamik manikhakvigiyakhangitnik, tamna 2009mi pitjutikhaa aulapkaailihaakniaktuk kitkani April-mi nungulluni kitkani Saptaipami.

Uyagakhiukvilluanga ittuk hivugangani hinaa Mouse Lake-mi naunaitkotalik nunauyami napayut 67°05'48" Tununngani unalu naunaitkotalik nunauyami nalguyut 115°44'06" Uataani. Tamna uyagakhiukvinga atuktaunnginnaktuk kakugunngugaangat pikakhuni insuliitikhimagiyunik tupiit kiukmik avakutalikmik inikhalik 40nut inuknik nayugakhanginnik uyagakhiuviknakhigaangat.

UNOR Havakvingat maligakhakaktuk maliktakhamiknik inugiakhilugu havaktukhanik inuinnainnik Kugluktukmiutanik havaakhanik aallatkiinik aulapkaigiamikni uyagakhiukvinga Mouse Lake-mi unalu munagiyukhaniklu manikkami havaktukhanik. Unalu, tamna havakvinga ikayukhimmaagutiniaktaa Akhait allatlu ihivgiuktauhimagiyut ukunannga Nunavut Uumayunit Munariyut Havakvinganit talvani hivugangani Kugluktumi.

Naunaittiarumaguvit hivayatjavat:

David Bent

V P Exploration UNOR Inc

Hivayautinga (416) 368 0114 Kayumiktukkulluuniit (416) 368 0198

Kagitauyakkut dbent@unorinc.com